

## DOCX.MY BERITA ONLINE ANDA!

Info semasa, Kesihatan, Terkini, Agama, Pendidikan,  
Makluman, Resepi , Informasi Kerajaan Dan Lain-Lain

INFO LANJUT

[www.docx.my](http://www.docx.my)

 **DOCX.MY**  
SENANG DOWNLOAD

# Cara semakan wang pendahuluan PTPTN



  
KEMENTERIAN PENDIDIKAN TINGGI

## WANG PENDAHULUAN PINJAMAN PTPTN RM64.42 JUTA

Wang Pendahuluan Pinjaman PTPTN diperuntukkan kepada **42,946** pelajar yang berjaya melanjutkan pengajian peringkat Diploma di IPTA, kemasukan sesi Julai 2023 bagi membantu ibu bapa & pelajar yang berjaya melanjutkan pengajian, sekali gus memastikan tiada pelajar tercicir ke IPTA kerana masalah kewangan.

Sumber: Kenyataan Media PTPTN | 15 Julai 2023

 KEMENTERIAN PENDIDIKAN TINGGI

 MALAYSIA  
MADANI



## **KENYATAAN MEDIA**

### **UNTUK SIARAN SEGERA**

#### **42,946 PELAJAR KE IPTA BAKAL TERIMA WANG PENDAHULUAN PINJAMAN**

1. Perbadanan Tabung Pendidikan Tinggi Nasional (PTPTN) sentiasa berusaha untuk membantu serta menjaga kebajikan pelajar yang akan memasuki Institusi Pendidikan Tinggi Awam (IPTA) dengan menyediakan Wang Pendahuluan Pinjaman (WPP). WPP berjumlah RM1,500 diberikan kepada setiap pelajar yang layak untuk menampung sebahagian perbelanjaan bagi persiapan awal pelajar memasuki IPTA.
2. WPP ini diberikan kepada pelajar-pelajar warganegara Malaysia yang telah memberikan persetujuan menerima WPP semasa memohon melalui UPUOnline atau melalui portal kemasukan IPTA, ibu bapa atau penjaga pelajar merupakan penerima Sumbangan Tunai Rahmah (STR) serta memenuhi kriteria yang ditetapkan. Semenjak WPP diperkenalkan pada tahun 1999 hingga 31 Mei 2023, seramai 969,046 pelajar telah menerima manfaat ini dengan peruntukan berjumlah RM1.43 bilion.
3. Bagi kemasukan pelajar untuk sesi Julai 2023, pelajar boleh membuat semakan tawaran WPP melalui portal rasmi PTPTN dan boleh menunaikan WPP tersebut di kaunter Bank Islam Malaysia Berhad (BIMB) di seluruh negara mulai 18 Julai 2023 dengan membawa surat tawaran WPP serta MyKad pelajar (wakil adalah tidak dibenarkan). Tempoh sah laku WPP adalah selama dua (2) bulan bermula 18 Julai 2023 hingga 18 September 2023.
4. PTPTN telah menyediakan peruntukan berjumlah RM64.42 juta kepada seramai 42,946 pelajar yang telah berjaya melanjutkan pengajian peringkat Diploma di IPTA bagi kemasukan sesi Julai 2023. PTPTN sebagai agensi di bawah Kementerian Pendidikan Tinggi (KPT) sentiasa berusaha membantu ibu bapa dan pelajar yang berjaya melanjutkan pengajian ke IPTA sekali gus komited memastikan tiada pelajar yang tercicir ke IPTA kerana masalah kewangan.

5. Untuk makluman, para pelajar boleh membuat permohonan pinjaman PTPTN secara dalam talian melalui portal rasmi PTPTN mengikut tarikh permohonan yang ditetapkan bagi setiap IPTA untuk memastikan pinjaman dapat diproses dan diluluskan sewajarnya. Pelajar yang ingin memohon pinjaman PTPTN perlu mempunyai akaun Skim Simpanan Pendidikan Nasional (Simpan SSPN).

6. Para pelajar boleh merujuk kepada Bahagian Hal Ehwal Pelajar IPT masing-masing atau terus menghubungi PTPTN sekiranya terdapat sebarang pertanyaan. Maklumat lanjut berkenaan WPP dan pinjaman PTPTN boleh diperolehi melalui portal rasmi PTPTN di [www.ptptn.gov.my](http://www.ptptn.gov.my). Pelajar juga boleh mendapatkan maklumat dengan cepat, mudah dan selamat melalui aplikasi myPTPTN.

**Perbadanan Tabung Pendidikan Tinggi Nasional (PTPTN)**  
**15 Julai 2023**

## Syarat-syarat & Cara Permohonan

Wang Pendahuluan PTPTN ini diberikan kepada pelajar-pelajar warganegara Malaysia yang :

1. Telah memberi persetujuan menerima WPP semasa memohon melalui UPUOnline atau kemasukan IPTA
2. Ibu bapa atau penjaga pelajar merupakan penerima Sumbangan Tunai Rahmah (STR)
3. Memenuhi kriteria yang ditetapkan
4. Para pelajar boleh membuat permohonan pinjaman PTPTN secara dalam talian melalui portal rasmi PTPTN mengikut tarikh permohonan yang ditetapkan bagi setiap IPTA untuk memastikan pinjaman dapat diproses dan diluluskan sewajarnya.

Pelajar yang ingin memohon PTPTN perlu mempunyai akaun Skim Simpanan Pendidikan Nasional (Simpan SSPN).